

Data: 15.04.2019

Ref.: 599/18D

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), nenin 47 dhe 131 të Ligjit për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 mars 2019, mori:

V E N D I M

1. Aprovohet pjesërisht aplikacioni i Kolegjit Dardania (Nr.1495/18H, datë 31.10.2018) për programin e studimit Administrim Biznesi dhe Ekonomiks, BA, 180 ECTS.
2. Refuzohet kërkesa e Kolegji Dardania (Nr.1495/18H, datë 31.10.2018) për aprovim të specializimit, Marketing dhe Ndërmarrësi, në kuadër të programit të studimit: Administrim Biznesi dhe Ekonomiks, BA, 180 ECTS.

Arsyetimi

Kolegji Dardania ka parashtruar kërkesë (Nr.1495/18H, datë 31.10.2018) në Agjencinë e Kosovës për Akreditim për riakreditim të programeve të studimit si në vijim: Psikologji Aplikative dhe Studime Menaxheriale, BA, 180 ECTS; Administrim Biznesi dhe Ekonomiks, BA, 180 ECTS (me specializime: Banka, Financa dhe Kontabilitet; Menaxhment dhe Informatike; Marketing dhe Ndermarrësi; Menaxhim i Turizmit; Drejtimi i Përgjithshëm); Shkenca Politike dhe Administrim Publik, BA, 180 ECTS; Gjuhe Angleze dhe Studime Amerikane, BA, 180 ECTS; Perkujesje dhe Mireqenie Sociale, BA, 180 ECTS; Psikologji Organizative, MA, 120 ECTS; Administrim Publik, MA, 120 ECTS, dhe Administrim Biznesi dhe Ekonomiks, MA, 120 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur më 15 dhe 16 janar 2019 ka trajtuar aplikacionin e Kolegjit Dardania. Duke u bazuar në 1.2 të nenit 10 të UA për Akreditim, sipas së cilës, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së".

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Sipas pikës 5.3.5 të nenit 26 të Udhëzimit Administrativ për Akreditim (15/2018, datë 28.09.2018), *“Nëse programi i studimit përmban edhe specializime, atëherë numri i specializimeve duhet të jetë në përputhje me numrin e stafit akademik të rregullt me gradën akademike PhD, në atë program i cili ka kompetencën e duhur për ato specializime”.*

Bazuar në nenin e referuar më sipër, KShC ka verifikuar te gjithë dokumentacionin relevant të kualifikimit të stafit akademik për programet e studimit. Këto te dhëna janë prezantuar në mbledhjen e KShC-së të mbajtur me 15 dhe 16 janar 2019, dhe pas shqyrtimit të dosjes për secilin staf akademik, KShC mori vendim që të refuzoj aprovimin e aplikacioneve të Kolegjit Dardania, sipas pikës dy (2) të dispozitivit të këtij vendimi.

Ky program ka 180 ECTS, me katër specializime, dhe rrjedhimisht sipas nenit 26, pika 5.3.5 e Udhëzimit Administrativ për Akreditim, për këtë program të studimit Kolegji Dardania, duhet te ketë te paktën 4 staf akademik me gradën shkencore PhD me marrëdhënie të rregullt të punës nga fusha e programit të studimit të cilët do te mbulonin secili staf nga një specializim.


Pas verifikimit të dokumentacionit të stafit akademik të prezantuar nga ky institucion për këtë program të studimit, u konstatua që për specializimin Marketing dhe Ndërmarrësi, në kuadër të programit të studimit Administrim Biznesi dhe Ekonomiks, BA, 180 ECTS, Kolegji Dardania nuk ka paraparë asnjë staf, siç parashihet me nenin 26, pika 5.3.5 e UA për Akreditim.

Andaj bazuar në faktet e prezantuara me sipër dhe dispozitat ligjore te sqaruara me lartë, dhe në mungesë të stafit akademik ashtu siç parashihet në nenit 26, pika 5.3.5 të Udhëzimit Administrativ për Akreditim, KSHC erdhi në përfundim që specializimi, Marketing dhe Ndërmarrësi, në kuadër të programit të studimit Administrim Biznesi dhe Ekonomiks, BA, 180 ECTS, nuk i plotëson kushtet ligjore për aprovim, dhe vendosi si në dispozitiv të këtij vendimi.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 ditësh nga dita kur pala është njoftuar për aktin administrativ sipas nenit 127 të LPPA.

Vendimi u dërgohet:

- BPrAL Kolegjit “Dardania”;
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

